



Knud Kleemann
Atassut

UKA 2025/31
01 oktober 2025

**Namminersorlutik Oqartussat sakkut pillugit inatsimmik allannguissamut siunnersuummik
atuutsitsilernissaat pillugu Inatsisartunut aalajangiiffigisassatut siunnersuut (Aallaasinik il.il.
pigisaqarnissamut ukiunik killiliineq kiisalu aallaasinik inissiivinnik piumasaqaat)
Aalisarnermut, Piniarnermut, Nunalerinermut Imminullu Pilersornermut Naalakkersuisoq
(Aalisarnermut Piniarnermut Nunalerinermut Imminullu Pilersornermut Naalakkersuisoq)**

Sakkut pillugit inatsimmik allannguissamut siunnersuummut Atassummik ima naatsumik
oqaaseqqassaagut.

Meeqqat 15 inorllugit ukiullit aallaasinik imassanillu pigisaqarsinnaaneratt tigumiaqarsinnaanerallu
pillugit inatsisitigut sukaterisoqarnera Atassummiit paasilluallugu taperserparput. Ukiuni siuliini
pisarsimasut eqqarsaatigalugit mianersuaalliornerit aallartorfinginninnerit aallaasersornerillu
ilaatigut toqumik kinguneqartartut pinaveersaartikkumallugit Atassumiik tamanna
akuersaarsinnaanatigu oqaatingissavarput.

Inuummi inuuneranik ataasiinnarmilluunniit pinaveersaartitsisinnaassappat ilaana sukaterineq
pissusissamisoorpoq. Uagullu kalaallit meeqqatsinnik piniarnikkut piniutitik aallaasinillu
perorsaanerput aamma pitsaasumik akisussaaffilimmillu ingerlatsinerput aamma
atuutsittuartaqarparput. Piniarnermi kinaassusitsinnut attuumalluortoq nalunngilarput, aamma
eriagisarisassarput.

Taamattumik Alisarnermut Piniarnermut Nunalerinermut Imminullu Pilersornermut
Naalakkersuisup siunersuutaa tamakkiisumik Atassumiik taperserparput